

64/101
I R E N I C U M

In quo
Casus Conscientiæ Præcipui de Viis
quærendæ & constituendæ inter
Ecclesias Evangelicas
Religiøsæ Pacis

Breviter
Proponuntur & deciduntur,

Ad

Exploranda super iis pie Doctorum

Judicia,

Vel ad

*Obtinendum super eorum decisione
Eorundem Consensum.*



L O N D I N I,

Impensis Richardi Wodenotbe, in vico
vulgo vocato Leaden Hall
Street, 1654.

Errata.

Pag. 2. lin. 31. pro pati leg. parti. Pag. 6. lin. 6. pro tum leg. dum, lin. 7. pro
Docteralis leg. Doctoralibus. Pag. 12. lin. ult. pro sun leg. sunt. Pag. 14.
lin. 16. pro tibi leg. libi, lin. 19. pro fractioni leg. fractio.

PROBLEMATTA
DE

PACIS ECCLESIASTICÆ
CONSILIIS CAPESSENDIS

Inter Ecclesias Evangelicas :

Proposita Pie Doctis.

Ut Conscientiæ quibusdam casibus

decis, Concordiæ formandæ firmandæque
ratio Pacificis innotescat.

Ad Rom. 12. 18. { Si fieri possit } Cum omnibus
{ quantum in vobis est } Hominibus
{ } Pacem colite.

UT Praefationis loco tribus verbis de scopo subje-
ctoque Problematum Eirenaeum nostrum monea-
mus : Sciendum est Pacis Ecclesiastica vocabulo
nos intelligere : vel Inducias seu cessationem à Schisma-
tisticis controversiis , vel moderatam homineque Christiano
dignam viam necessarias tractandi in spiritus mansuetu-
dine opinionum differentias : vel aperiā denique ac pub-
licam Fraternitatis professionem in Doctrina fundamen-
tibus capitibus ; de quibus nulla inter partes existit con-
troversia.

eroversia: ut imposterum rejectis quaestionibus inutilibus
ac discordia fomentis, adificationis mutuae studiis per spi-
ritus communionem sedulo incumbant Ecclesia utriusque
& membra & antistites.

Hoc autem Fine Quaestiones istae proponuntur variis,
ut communi omnium piorum ac vere caelestis Doctrinae
consultorum consensu conscientiae multorum fluctuantes
atque haesitantes perplexa dubitatione dirigantur ad con-
cordiae portum.

Petimus itaque per viscera atque miserationes Domini
nostri Iesu Christi, ut si qua est spiritus communio, si
quod solatium Charitatis: Digneris quisquis es verbi
Præco qui Deo temet dicasti; quisquis es vir Pietatis sensu
prædite, qui afflictissima matris Ecclesiae ruinis affectus
nobiscum ingemiscis; quisquis denique es homo optime, id
est, Christiane, qui Evangelium veritatis & pacis amas
aut propagare studes: Digneris (inquam) si ullo unquam
exarsisti erga Domum Dei zelo; hoc saltem desolatore-
rum statu consilio salutare nobis adesse; & lucem quam
Dei Spiritus in te accensam fratribus ignorantia tenebris
densaque afflictionum ac caliginosa tempestate obrutis
præluce voluit (lucem inquam illam) occultare ne velis:
sed fideliter, diligenter ac sincerè radios illius ad nos occul-
tis secretisque viis quarum tibi ratio pateſcet dirige. Sic
efficies ut gratiarum actiones exhibita à multis Deo, ad
veritatis ejus misericordiaeque gloriam manifesto redun-
dent: talentique tibi ad Ecclesiae emolumentum commissi
usus fructusque in Domino non inanis, ac tibi ipsi in illa
die gloriosus ac lucrosus appareat. Amen.

Liceat ergo iudicium vestrum tribus
hisce sequentibus super capitibus scru-
tari, ac fratribus quicquid consilii
dederitis communicare.

*Quærimus Primo de ipso Opere Pacifi-
cationis. Secundo, de Mediis Modoque
agendi. Tertio, de controversiæ parti-
cularibus objectis.*

De ipso Opere in Genere.

AN non in opere Pacificationis Symmytæ sacri
Ministerii provocari & consociari ad consiliorum
communicationem possint: & à quo, & quomo-
do id legitime, laudabiliter, ac cum fructu fieri possit
& debeat?

- Si id fieri possit ab aliquibus, quibus Argumentis &
suasionum stimulis impelli debeant illi quibus id mu-
neris incumbit?

2 An spes ulla affulgeat hoc rerum lachrymabili sta-
tu pacem inveniri posse ab iis qui eam sincero affectu
querunt inter Evangelicas Ecclesias?

- Si de Pacis effectu desperandum est inter Ecclesias,
quidnam illud sit quod omnium piorum votis ita ob-
stat, ut removeri nequeat?

- Si spes adhuc reliqua ulla est, quibus illa viis divinis
que atque humanæ prudentiæ rationibus ad optatum
finem perducenda est?

3 An quicquam Ecclesiis Dei, turbatarū conscientiarum solatio, ac animarum saluti, Evangelicæque veritatis propagationi, magis sit necessarium atque fructuosum sic hoc tempore, quàm hujusmodi concordiae sanctæ studium: in quo salva dissidentium conscientia ac fraternitatis vinculo non rupto, peragitur æ veritatis professione liberā; liceat quibusdā in iis quibus jactamur hodie (sine fundamenti) iactura opinionum, humanarum fluctibus ac ventis; dissentire, ac dissensionem libere profiteri sine Schismate & sine temerario zeli fervore; quo ad rigidas adversus alios censuras impelluntur nonnulli?

4 Quid effectus unionis: piæque inter Ecclesias Evangelicas Pacis afferre boni Ecclesiis; quid Regnis ac Rebus pub. posset?

5 Quantum in Deum in ejus Ecclesiam, in seipsos peccent non solum illi, qui discordiarum zizaniā serunt & fovēt: sed illi qui cum à Deo ad publicas in Ecclesia Curas vocati sint; hanc tamen Curarum præcipuum; hanc divinarum benedictionum erga omnes, hanc charitatis erga nos invicem scaturiginem; hanc denique in ædificio Dei proximam fundamentum substru-ctionem aut negligunt aut averfantur.

De Mediis Agendique Modo.

Quibus Instrumentis utendum in negotio promovendo: utrum Ecclesiasticis, an Politicis, an utrisque?

Si utriusque, quidnam his, quidnam illis officii ratione incumbet? quomodo operas & quid inter se patientur? quomodo & quid conjunctim agent?

2 An non in opere toto modus agendi in quaerenda Pace momentum longe maximum habeat, ita ut nihil æque in deliberationem venire debeat?

1 Si ita est quid in agendi modo maximopere cavendum; quid enixe conandum?

2 An non ante omnia in agendi modo ratio præjudicatas tollendi opiniones sedulo accurateque tenenda sit? & quænam illæ esse poterit?

3 Utrum via Scientifica an via charitatis; utrum disputationibus aut suasionibus; utrum per Intellectus in conscientiæ seu voluntatis convictionem procedendum sit; an utrâque via potius?

4 Si utraque utrum simul an seorsim? & qua prius, qua posterius? & quomodo utraque adhibenda?

5 Si Conscientiæ via potius quam Scientiæ, id est, via Practica & Suasoria potius quam Theoretica & argumentativa; quibus rationibus maximè efficacibus ac suasionum stimulis aut evidentibus convictionum radiis, Conscientia quævis Pietatis divinique timoris aliquo saltem sensu prædita, vel redargui vel convinci possit temerarii sui zeli? vel impelli, instrui, & perverit queat ad Moderationis, Patientiæ, Compassionis, Humilitatis, mutuæq; Charitatis, Benignitatis ac Tolerantiæ affectus exercendos?

3 Si in Agendi modo reicardo non versetur, qua in re alia illum ponemus?

De Controversiis Capitibus.

Cum duplex sit controversia altera de Ceremoniis quibusdam, altera de Dogmatibus; quænam prius componi possit, & utra majoris sit momenti?

2 De Rebus Adiaphoris optandum foret evidentem ex Apostoli Doctrina ad *Roman. 14.* & *1 Cor. 8. 9, 10, 11.* desumptam explicationem esse, quæ ad particulares ætatis nostræ circumstantias applicari posset, ut scire contingeret spiritui mansuetis.

1 Quid sua natura sit Adiaphorum, quid non?

2 Quousq; res Adiaphora urgeri possit ab uno & rejici ab alio, vel non urgeri & non rejici.

3 Quibus Circumstantiis rerum Indifferentium natura mutatur?

4 Quid proprie dicta superstitio sit, & quinam ejus sint gradus?

5 Quousque in fide robustus tenetur infirmos ferre ad ædificationem?

6 Quinam in fide robusti, quinam debiles censendi sint?

7 Quid de Cæremoniis inter nos & Lutheranos controversis censendum, scil. de Exorcismo, de Fractione Panis in S. Coena, de Auriculari Confessione, de Altaribus, Imaginibus, linea veste, utrum sint res Adiaphoræ nec ne?

8 An non ille qui se Reformatæ professionis vocat Evangelicum seu Christianum: Si nulla alicubi alia Ecclesia ipsi pateat præterquam illa quæ se vocat Lutheranam, teneatur se illi jungere: ejusque se membrum profiteri? & vice versa de Lutheranis eadem est quaestio.

9 Si teneatur quousque licet ipsi dissensum ab Ecclesia illa testari privatim vel publice, & quousq; non licet?

10 Si quidem licet omnia semet omnibus facere, exemplo Apostoli, *1 Cor. 9.* Quibus in rebus & casibus ac quomodo id fieri debeat?

3 De Doctrinæ Capitibus, quomodo illa publice, quomodo privatim, quomodo in scriptis, quomodo pro concione tractari debeant ad ædificationem? hinc inquirere liceat,

1 Qua ratione clamororum hominum contumeliosis calumniis occurrendum sit?

2 Qua via altercandi ac disputandi cacoethes sanari possit?

3 Quid de Scholasticis disputationum methodis censendum, apud quos, quibus in rebus, & quomodo utiliter adhiberi possint?

4 An non in Doctrina veritatis asserenda tutius sit & utilius, rem controversam via Confirmationis per Theses & Antitheses tractare, in expositione proprii Dogmatis, quam via refutationis adversarii Dogma evertere?

5 Quomodo fundamentalia Doctrinæ ac Ecclesiasticæ Disciplinæ capita à non fundamentalibus distinguere debeant?

6 An Capita Doctrinæ controversa inter Evangelicos de Persona Christi, de Præsentia & Manducatione corporis ejus in S. Coena; de Gratia Universalis; sint Fundamentalia, nec ne in iis rebus in quibus controversiæ cardo exstat?

7 An quilibet in quolibet fundamentali Doctrinæ capite error, errantem à vera fide ac proinde à mediis salutis efficacibus separet?

8 An dissensio quæ est inter Lutheranos & Reformatos sit irreconciliabilis nulloq; respectu consensus iniri possit?

9 Quanam Doctrinæ atque Exhortationis capita ad ædificationem maximè sint necessaria, ac quomodo

illa pro Concione urgenda tractandaque: quidnam illa à minus utilibus capitibus distinguit? quæque in hisce si contingat opinionum diversitas latitudo permittenda sit iudiciorum salva charitate conscientiaque dissensionum?

10 An non ex neglectu Curæ Postoralis, tum Doctoralis omnes, omni conatu Curis advigilant fatali quadam necessitate ad Schismata atque inextricabiles contentiones Ecclesiæ trahantur? ac quomodo hæc Cura suis circumscribi limitibus, illa vero apud quos vel interit vel refrixit excitari ac instaurari possit?



Responsio ad Præcedentia Problemata.

*Reverendi Fratres ac Domini in
Christo Observandissimi.*

Pervenerunt nuper ad manus meas, Problemata quædam de Pace inter Evangelicas Ecclesias concilianda: lætatus sum vel ipsius tituli lectione: postquam vero obsecrationem illam perlegissem, quæ in fine Præfationis subjicitur, per viscera & miserationes Jesu Christi injecta mihi fateor religio est; neque potui committere, ut non hanc symbolam meam (tanquam siculam ad commune incendium restringendum) conferrem. Atque ut illa ipsa vestigia quæ in his Problematis impressa sunt sequar,

*De opere ipso Pacificationis in
Genere ita Censeo.*

Nihil hoc Consilio sanctius aut pulchrius, adderem nihil utilius si utilitatem in rationem aliquam venire hæc tempora permitterent: sed quod perinde est aut aliquanto etiam amplius, nihil salutarius, nihil cum officio aut Ministri Evangelii, aut boni viri conjunctius: Atque usque sanctitate sumam exordium: Principio Deus ipse, Deus pacis audit, cujus Filius Author & Princeps salutis nostræ Princeps Pacis, Spiritus sancti fructus Pax. Tum filii Dei, filii Pacis: Eorum via, & institutum, via pacis, sapientia pura & pacifica, fructus in pace scribitur pacificis. Quid igitur ad privatum cujusque officium potest esse Christiano dignius quam

ut sit, quod audit filius pacis, ut digne Deo incedat cum omni mansuetudine, uno Spiritu, una mente? Quid ad Ecclesiae totius Commune bonum pulchrius & iucundius quam habitare fratres, etiam una? Habemus etiam expressum Dei mandatum: quod recte incisum est. Commonitorii vestri frontispicio, non modo ut pacem inter nos colamus, sed si fieri possit (certe quantum in nobis est) cum omnibus. Quid turpius contra quam inter Christianos & quidem Reformatores (si Christo placet) vigere illa opera carnis, inimicitias, contentiones, emulationes, iras, rixas, dissensiones, sectas, invidiam? scilicet hoc est illud quod prophetavit *Esaias* de regno Christi: Lupus & Agnus pascuntur simul, & Leo & Bos comedent pariter, non nocebunt, neque occident in monte Sanctitatis meae, ait Dominus, Testor spem nostram in Jesum Christum: Objectum hoc mihi & exprobratum ab hostibus fidei Iudaeis pro argumento, quasi Christus nondum venerit. Et ab Aseclis Curiae Romanae, quid aliud audimus fere quam dissensiones nostras inter nos? Hoc quoque praedictum (quod heu nimis verum experimur!) fore ut mordentes invicem ab invicem consumamur: O spectaculum non hominibus modo piis, sed & Angelis triste & miserandum, membra Christi se mutuo discerpere, dilaniare, detruncare! Sed reprimo me. Horum quidem vulnorum obligandi cura incumbit omnibus, praecipue tamen Ministris qui dati sunt in aedificationem Corporis Christi, donec occurramus omnes in unitatem fidei & agnitionem Filii Dei. Ita olim Episcopi communicatis Consiliis, fidei Unitatem & Pacem Ecclesiae procurabant.

Qua de re videndi *Cent. Magdaburg. Cent. 4. p. 522*: & deinceps extant ex epla apud *Cyprianum Episc.* 67, & 68. Hoc

isa. 11. 6, 7.

Hoc officio illi opportunius fungi possunt, qui neutri
sefe parti addixerant. Eoque & Dei mandatum & a-
mor Christi & muneris sui obediunt ratione Ecclesie
ædificatio ipsos vehementer inelicare debet.

2. Quæ spes sit aliquid effici posse.

Gravissima sunt fratrum offensiones, & Capitales
imprimis, quæ sunt de Religione inimicitia. Nec
mirum, videntur nimirum habere pietatis & zeli com-
mendationem, ut quanto quisque eas acerbius exerceat,
tanto se putet Deo gratiorem cultum exhibere. Sed
tamen, Nil desperandum Christo Duce & Auspice
Christo. Fortior est qui in nobis est quam qui in mun-
do. Deus Pacis conteret Satanam sub pedibus nostris.
Inter omnia vero impedimenta, longe maximum sus-
perbia & insolentia quorundam, qui soli sibi videntur
sapere. Tantummodo ex superbia nascitur contentio,
Prov. 13. 10. Tum Admiratio quorundam eximiorum
Dei servorum, quæ ita minuenda videtur, ut existima-
tionem bene de Ecclesia meritorum non dædimus. Hoc
eodem morbo laborant *Constit. ut constet ex i. Corp.*
12. & 3, 4, 5, 6, 7, 8, 9 v. unde ab Apostoli praxi Con-
siliū & Remedium petendum videtur. Jam quod
quæritur, Quid boni adferre possit Pax vel Ecclesiis vel
Politiis, respondebit *Psalm. 133.* ubi Dominus præcipit be-
nedictionem, vitam in seculum. Robor accedet & fir-
mitas. Rebus publicis veram Religionem proficentibus. *Act. 9. 31.*
Ecclesie, ædificabuntur ambulantes in timore Dei &
consolatione. S. Sancti, replebuntur. Quare illam habet *Prov. 6. 19.*
sancti Cœli ac terræ odium, quod tam sanctum & salutatio
inceptum, aut impedit, aut pro virili non promovet.

De medijs Agendique modo.

2 Cor. 13. 1.

Ante omnia retinendum videtur ad auxilia super
 Ana orationibus publice & privatim (& indistincti
 Magistratui videbitur jejunio) præteritorum venia po-
 stulanda petendumque ut deducat nos in viam pacis
 Deus Charitatis & Pacis. Et quoniam Regum ac
 Principum officium est non modo pacem in Repub.
 sed & Ecclesia procurare, juxta illud Propheticum:
 Erunt Reges nutritii tui, eorum quoque auxilia implo-
 randa sunt in hujus Schismatis remedium. Extat præcla-
 rum exemplum Hezechie, 2 Chron. 30. qui per celeres
 cursores reliquias decem Tribuum, ad verum Dei Cul-
 tum & Unionem: cum Ecclesia (à qua divulsæ fuerant
 Jeroboami Schismate) invitabat. Atque ex quo tempo-
 re Principes Christiani esse cœperunt, Ecclesiæ negotia
 ex illorum nutu per aliquot secula pependerunt, ut So-
 crates testatur, & si quis rationem inire velit, reperiet
 plus Adjumenti ad Ecclesiæ Pacem & Reformationem
 attulisse auctoritatem Principum quam studium Epif-
 coporum. Exorandi sunt igitur pii Principes: ut le-
 gationibus aditus aperiant, ad Colloquium aliquod
 Theologorum ex utraque parte selectorum, quibus
 formulam Concordiæ inter Ecclesias Reformatas con-
 stituendi Cura demandetur. Hoc loco ex Compacto ut-
 rinque curandum, ut deligantur homines modesti,
 mansueti, pacifici, non tumidi aut ambitiosi, maturi
 judicii, quique præter Scholasticas Exercitationes, re-
 rum Ecclesiasticarum aliquem usum habent. Ab hujus-
 modi Collocutorum Electione successus totius nego-
 cii porissimum pendeat. Quod ad modum attinet, pro-
 cul dubio enitendum ut nequid habeat offensionis aut

conspersionis. Itaque honorificis & amantiſſimis ſitu-
 lis partes ſe mutuo compellent. Nihil præjudicati ad-
 feratur; differantur nonnulla; quædam ne commemo-
 rentur quidem; donec ſpes ſit obtineri poſſe, &c. Quo-
 niam vero ad Pacem ſinceram Conſtituendam; &
 Communia dogmata & Corruptelæ Communiter op-
 pugnatæ plurimum valere debent; Cogitandum annon
 cōveniat in hiſce duobus prius hære & pene habitare,
 in hiſ conſenſum ſtabilire, antequā ad illa deſcendatur
 in quibus diſcordes ſententiæ futuræ ſunt. Ad præjudi-
 catas opiniones tollendas; oſtendi poterit Reformatores
 primos optima mente incubuiſſe in hanc curam; ſed pru-
 denter quædam ſuſtinuiſſe, quæ tum corrigere non po-
 terant. In quibusdā dum diſtorta corrigere conantur, in
 contrariam partem nonnulla & fortasſe nimis inflexiſſe;
 homines fuiſſe, in quibusdā labi potuiſſe. Experiun-
 do Conſilia optime judicari: Deum Opt. Maximum
 interdum humanis infirmitatibus, diſſentionibus & ex-
 ageratione bonorum abuti ad veritatem propagatio-
 nem veluti in diſſidio *Pauli & Barnabæ*. Nimum alter-
 cando veritatem ſæpe amitti. Jam olim nonnullos è Pa-
 tribus diſputationum æſtu abreptos incommode quæ-
 dam ſcripſiſſe, cum tamen ſtudiis potius quam ſententiis
 diſſiderent: Hæc aut huiusmodi medicamenta conqui-
 rendæ ſunt, quibus factionis tumor diſcuti poſſit.

In Controverſis Capitibus magnopere curādum ut
 termini accurate explicentur; ut quid ſit in Confeſſo di-
 ligenter expendatur oſtendere (ſi fieri poſſit) appoſitio-
 nem non eſſe, ad idem; partes orandæ ut ne quid temere
 aut rigide pronuntient. Siquidem de quibusdā nullo
 modo convenire poſſit; videndum annon imperari poſ-
 ſit ſilentium, de illis quæſtionibus in particulari ut ge-
 neralia & Confeſſa publice doceri ſufficiat. Quod:

Quod quaeritur de via scientifica & Charitatis, utra
 procedendum? Optime *Marcius* Eremita, Cave ne un-
 quam tentes rem difficilem per contentionem dissolve-
 re, sed per ea quae lex spiritualis facienda mandat,
 nempe, per patientiam, & precationem, & spem uni-
 cam disputationibus publicis parum aut nihil profici.
 Expertum est, cum studium victoriae & pudor suc-
 cumbendi veritatis indagationem impediatur, contentio-
 nes augeant. Contra nisi convicta conscientia frustra
 suasionibus agitur, itaque utraque via procedendum
 videtur, sed suasionibus publice & pro concione Apo-
 deixi privatim & inscripto potius quam frequenti au-
 ditorio, ut habeat pars convicta resipiscendi locum:
 Zeli temerarii in fratribus condemnandis arguendi, lo-
 ci inter alios hi sunt. Nos cognoscere ex parte & pro-
 phetare ex parte. Neque nobis cum natam neque mo-
 rituram sapientiam, spiritus Prophetarum subjiendos
 Prophetis. Ante omnia sectandam charitatem cujus
 via excellentissima. Scitum est illud *Constantini* Mag-
 ni, qui *Aceso* nimis rigide lapsos exagitant; Erige
 tibi (inquit) scalam *Acesi*, & solus ascende ad Coelum.

De Controversis Capitibus.

Quamquam in caeremoniis pietas sita non sit, paucis-
 simaeque à Christo & Apostolis institutae in Scri-
 pturis commendantur, quoniam tamen nulla commu-
 nitas consistere potest sine aliquibus caeremoniis. Et est
 plebs earum tenacissima, ipsaque mutatio consuetudi-
 nis, quae adjuvat utilitate, novitate perturbat, non est
 earum cura negligenda, sed post doctrinam primo loco
 (si quid ego iudico) constituam. Distinguendae sunt

caere

Cæremonia. Sunt nimirum quædam quæ toto terrarum orbe observantur, aliæ quæ per loca & Regiones variantur. Habet nimirum unaquæque gens suas privatas, quas traditiones Apostolicas indigitar. Multum hoc loco tribuendū videtur iudicio eorum qui præsunt Ecclesiis quid commodè mutari possit. Privatim vero tenenda est illa regula *Ambrosii*: Ad quam fortè Ecclesiam veneris, ejus morem serva, si cuiquam non vis esse scandalum aut quemquam tibi. Videatur de tota hac re *Augustinus, Epist. 118. Nicæna* Synodus de observatione Paschæ regulam fixit, magno ut studio ita successu; sed potest disquisitionem de fide de rebus Adiaphoris, videtur ex Apostoli doctrina ad *Rom. 14.* & *1 Cor. 8.* sic satis evidenter constare, abstinendum ab earum usu neq; libertate aut scientia nostra fretis, fratres infirmiores offendendos. Quoties vero accedit auctoritas superioris utpote Magistratus, aut Ecclesiæ alia videtur esse Ratio. Adiaphoron ex vi verbi est quod ad Pietatem nihil interest: Res Adiaphora natura sua urgeri potest ab iis qui Authoritate in Republica aut Ecclesia pollent, prospectu ordinis decori & unitatis.

Nec potest ut videtur sine temeritate aut nota contentione ab eo qui subest rejici prætextu quod videatur indecora aut ad ædificationem non facere.

Adiaphora non mutant naturam accedente Superioris mandato, sed usum habent vel necessarium, vel illicitum. Idem cum ab Idololâtris usurpantur, usus eorum suspēditur, natura non mutatur. Superstitio videtur esse in Religione excessus quidam sive in objecto cultus sive in mediis & modo cujus defectus ex adverso est Atheismus.

Robustus in fide tenetur tolerare infirmos in omnibus

bus & per omnia ut nunquam liceat sui animi scientia; vel potestatis causa aliquid facere, quo offendantur vel contristentur.

6 Robusti in fide sunt qui scientiam habent & sensus exercitatos ad discernendum bonum vel malum: infirmi contra ignari, vel nondum de sua libertate persuasi.

De Cæremoniis.

EXorcismus admodum vetusta est Cæremonia, & quæ palam declarat potestatem quam habet Satanas in filios Adæ, unde provenit, ut nonnunquam eos corporaliter obsessos teneat. Videatur hac de re *Chemnitius Tit. de Baptismo, § 4.* Qui videtur satis commode & pacifice loqui de hac Cæremonia. De fractione panis in S. Cœna dubitare non possumus, quin ita Christus ipse tradidit, ita Apostoli usurparint, quoniam panes azymi lati, & fragiles, tibi formam habebant, ut eos cum cuiq; particulam distribuere vellet, non scinderent, sed frangerent, unde & toti actioni nomen inditum est, fractioni panis, ut *Act. 20. 7.* sed cum in eo sita non sit alimenti Analogia, quod scindatur panis vel frangatur, aut minori forma integer ore accipiat, sed facultati nutriendi, frustra de hoc ritu digladiantur; sicut & de tempore, si quis à cœna tantum communicandum contenderet, & in Azymo. Si dederit Dominus ut in aliis majoris momenti convenire possimus, de hac cæremonia post viderimus.

Auricularis confessio opinione & more Papistico non est quod sciam ab Ecclesiis *Lutheranorum* constabilita. Videatur *Chemnit. Exam. Part 2. de Confess.* Sed absolutio pœnitentium pro Ministerio Reconciliationis à Deo imposito, id vero non est inter Adiaphora reputandum.

Altar ^{is} quæ dicuntur improprie, sive ex saxo, sive ex

ligno, mensæ sunt vero nomine: sicut & actio S. Cœnæ non aliter sacrificium quam commemoratio sacrificii in cruce semel peracti: Lignea olim fuisse & linteamine co-operta testis est *Optatus Milevitanus, Lib. 6.*

Imagines extra usum cultus, atq; ut mera sunt monumenta rerum gestarum, vel adhibentur ornatus gratia videntur Adiaphoræ. Ita lintea vestis quæ Papatu antiquior est in usu Ecclesiastici. Consociatio cum Christianis, sive in publico cultu, sive in privata conversatione, dummodo nihil aut profiteamur, aut faciamus contra conscientiam, omnino necessaria videtur, *Hebr. 10. 25.* Neq; dissensum suum quisquam profiteri tenetur nisi poscatur ex *1 Petr. 4. 15.*

Quod de sensu quæritur illius loci, *1 Cor. 9.* omnia qui dicit nihil excipit, sed tamen res ipsa restringi postulat; ut nihil admittatur peccati, nihil falsi profiteamur, captetur semper opportunitas instituendi, & rectius informandi aliter affectos. Summa, Quæ non sunt contra fidem, neq; contra bonos mores, & habent aliquid ad exhortationem vitæ melioris, ubicunq; institui videmus, vel instituta cognoscimus, non solum non improbemus, sed etiam laudando & imitando sectemur, si aliquorum infirmitas non ita impedit, ut amplius detrimentum sit, si enim eo modo impediat, ut majora studiorum lucra speranda sint, quam Calumniatorum detrimenta metuenda, sine dubitatione faciendum est. Hæc *August. Epist. 119. Cap. 28.* & infra quod aut instituitur præter consuetudinem, ut quasi observatio Sacramenti sit, approbare non possum, etsi multa huiusmodi, propter nonnullarum vel sanctarum vel turbulentarum personarum scandala devitanda, liberius imperare non audeo, *ibid. cap. 19.* Videantur sequentia.

De Doctrinae Capitibus.

Quod quæritur quomodo doctrinae capita tractari debeant & (nempe si rectè capio) ut pax non lædatur.

Respondeo, utile imprimis videtur fore, ut secundum celebre illud *Mosis*, secreta & arcana Deo relinquamus, revelata tantum ad nos pertinere existimemus. Tum ut non modo in re ipsa, sed ne in rebus quidem & Phrasi à formula S. Scripturae discedamus, siue in Concionibus siue in scriptis privatis, ut pro Concione conceptus & discursus S. Sancti præmantur potius quam adferantur a Concionante, ut privatim lectores ad verba ipsa & feriem Scripturarum pensitandam, cum humilitate & Charitate incitentur; & super omnia cum frequenti illuminationis divinae imploratione. Quod ad clamorosos Rabulas, siquidem nobiscum in eadem Repub. vivunt, orandi sunt Magistratus ut talibus silentium imponant. 2 Viri graves, & qui Authoritate pollent apud Populum, excitandi sunt, qui reprehendant hoc genus, & obtestentur populum ne talibus aures præbeant. Transferantur huiusmodi homines ad vitia popularia reprehendenda, & inter cætera hanc ipsam superbiam, ut nemini à nobis dissidere fas putemus. Quod si in aliena ditione vivant, non tam disputationibus cum illis, quam orationibus pro illis (sicut & pro nobis) est agendum. Disputationum atque altercationum Cacoethes, aliqua ex parte sanari posse videtur, si prohibeatur à Magistratu inter pocula super hisce quaestionibus Religionis controversis Sermones serere, & hospites quoties ejusmodi occasio inciderit tempestive obviam eant, moneantq; occasionibus litium abstinendum. Quorum loco
intro-

introduci potest lectio alicujus partis S. Historiæ aut aliorum S. Scripturæ locorum, qui ad mores pertinent, & Psalmidia ex antiqua Ecclesiæ Praxi: Scholasticæ disputationes in Scholis necessario adhibendæ videntur; sed hic quoque absit omnis, non vehementia sed clamorosa importunitas, adeoque amarulentia & impudentia. Et componantur Theologiæ studiosi ad gravitatem & modestiam. Res controversæ variis modis rectè tractari possunt, & satis tuto adversariorum dogmata everti, si modo disputantes rem ipsam purent & mitant male loqui. Verùm nonnullis controversis prorsus interdicerè bono pacis tutissimum fore videtur. Fundamentalium dogmatum à non-fundamentalibus distinctio videtur originem habere à loco *Pauli*, 1 *Cor.* 3. 11. Ubi habetur Christum Jesum esse fundamentum, præter quod aliud poni non potest. Cum termini sunt Metaphorici vix est ut exacte explicari possint, nisi per quandam Analogiam. Ut quoniam fundamentum in ædificio primum est, ac licet minime conspicuum, maximi tamen sit momenti, ad operis firmitatem; cui si quid non insistit mole sua ruinam trahit. Itidem in Religione prima principia, & præcipua dogmata vocentur fundamenta.

Fundamentalibus igitur dogmata à non-fundamentalibus non videntur commodius secerni posse quam symbolo. Ut nempe, quæ Ecclesia Christiana omnium temporum sufficere existimavit, ad confessionem in communi fide faciendam, ea dicuntur esse fundamentalia; cætera secus; sed principia ista mole minima, potestate maxima sunt; & fieri potest ut dogma aliquod verbis symbolo non repugnet, quod tamen re ipsa totum symbolum subvertat. Videatur *August. Lib. de Peccato Orig. 1. ap. 23. & cont. Ful. Lib. 1. cap. 2. & 6.* Con-

Controversæ inter Reformatores doctrinæ capita si formaliter sumantur, non adhibitis consequentiarum fidiculis fundamentalia non videntur: utcunque ad fundamenta pertinent, & in eo videtur esse præcipua partium culpa, quod suam quæque opinionem, pro Articulo fidei haberi vult. Persona Christi, decretum Dei, Præsentia & Manducatio corporis Christi in sacra Coena, Gratia qua servamur; sunt sane loci fundamentales, sed non continuo omnia quæ circa hos aut in his dogmata.

Videantur quæ hac de re asserit *Joh. Frithus* apud *Joh. Foxium* in *Martyrologio*, pulchrè si quid ego judico.

Non quivis error in fundamentali dogmate, sed ipsa subversio vel abnegatio fundamentalis dogmatis perniciofa est. Ubi in exterminium fidei corrupta sunt semina, ut ait *Tertullianus*.

Dissensio inter *Lutheranos*, & cæteros Reformatos cum sit in terminis contradicentibus (ut utraque pars recte sentiat) conciliari non potest. Sed non est desperandum modo fraterne colloqui & sese explicare, fortasse etiam aliquid corrigere in melius daretur, & non nihil remittere de severitate pronunciandi, quin pax conciliari possit, indicto saltem de quibusdam articulis silentio, sublataq; verborum acerbitate.

Quod quæritur quænam doctrinæ & exhortationis capita, ad ædificationem maxime sunt necessaria. Respondet Apostolus, 1 *Tim.* 1. 15. quæ ad peccatores informandos ad resipiscentiam, & *Cap.* 4. 6, 9, 11, 12. quæ ad spem in Deo vivo, ad Pietatem & usum Creaturarum cum gratiarum Actione & Oratione. Item *Cap.* 6. 4. Quæ ad omnes ordines in suo quosq; officio con-

continendos, 2 *Tim.* 2.3,4,14. Quæ ad constantiam & patientiam, & spem futurorum bonorum. Sic, *Titus* 3.8,9. Quæ excitant credentes, ut curent etiam bonis operibus præesse. Ex hisce & similibus permultis: Constat illa doctrinæ capita maxime salutaria, quæ ad fidem & charitatem, & officium plus componunt. Extremum illud de causis dissensionum, diligentissima contemplatione dignum est. Equidem sic censeo ex defectu curæ Pastoralis, magnam partem harum dissensionum enaram esse. Atqui videndum ne hic defectus profundiores habeat radices.

Multas quisquillas & purgamenta ejecerant, ex area Dominica primi Reformatores, & certe in eo veterino, quo tum laborabat Orbis Christianus, opus fuit non modo inclamare vehementer, sed pene inclementius dicere. Jam Magistri ex suis moribus fingunt discipulos. Ab Hostibus etiam provocati contumeliis non abstinuimus, factiq; sumus in nos invicem morosiores. Mitto jam factiosam personarum admirationem, mitto fervidas & inconsultas Adolescentium conciones: Nam Populus veluti tibia est, utq; inflatur ita resonat. Sunt quibus nihil satis Reformatum videtur, & quicquid antiquum Antichristianum. Ad hæc mæla magna remediï pars esset (quæ optanda potius quam speranda videtur) Adolescentium in Schola Theologica recta Educatio. Altera cura ordinandorum. Tertio librorum imprimendorum severa censura. Quid si & impressorum? sed hæc cogitabunt, quos Deus tanti operis Ministros excitabit. Unum addo quod ad pastorem curam excitandam, & instaurandam pertinet. Cum solenne sit quibusdam usus Doctrinæ quos appellant commemorare; consultius fortasse facturos,

si ista non tam dicerent quam facerent: verbi gratia non tantum valere hanc aut illam Doctrinam partem ad reprehensionem, exhortationem, consolationem, quam hortarentur, reprehenderent, consolarentur. Nunc perinde faciunt, ac si quis ex Antidotario alicujus medicinae facultatem, & vires enarret, cum res poscat ægro medicinam propinari.

Hæc habui Reverendi Fratres & Domini in Christo observandi, quæ super Problematis vestris consultus, & pene jurejurando constriktus responderem. Quæ nolim tanquam decreta quædam & pronuntiata haberi: fieri enim potest, ut mihi ipsi in nonnullis aliter alias videatur, sed habetis ex sincero corde opinionem meam; quam libenter meliori judicio, quam quo ego sum subjectam volo. Consilium quidem ipsum pacificationis adeo pium & Christianum est, ut omnes meos conatus; omnia consilia & cogitationes, vitamq; adeo ipsam eo conferre (Deo quidem dante & adjuvante) non dubitem.

